

霓裳續譜

霓裳續譜卷之二

西調

蕩悠悠鬪花燈

蕩悠悠鬪花燈。你看那霞天彩地。一處處王孫仕女。笑盈盈車馬
奔馳。天街上銀花火樹。遊人戲。遙望見烟光籠罩。燭影兒迷離燈
月交輝。管絃頻奏。更有那紅雪歌詩。爆竹兒聲最宜。莫相催。譙樓
更鼓。玉漏遲遲。登微醉覓相知。金吾不禁。長夜貪歡。元宵難遇。登

蕩悠悠鬪春風

蕩悠悠鬪春風。你看那桃李開放。一處處賞名園。見了些仕女成
行。芳菲繞池塘。顛巍巍。一朵朵妝成新樣。亂烘烘蜻蜓戲舞。鬧穰

穠探蕊蜂狂。一對對紫燕戲雕梁。絮叨叨繞徑穿叢蝶戀雙。閉開綻
枝頭爭紅綠勝黃。嬌滴滴國色。一陣陣天香。又佳人拾翠柳堤旁。
笑語歸來。一枝枝插在風流鬢上。疊

蕩悠悠雲兒淡

蕩悠悠雲兒淡。嬌滴滴艷陽天。玉人兒妝臺寂寞愁無限。喜的是
桃李芬芳。東皇律轉。乍長春晝。曉窗映日。風靜簾閒。翠樓東淺淡
春山。倚紗窗細雨剛晴。柳枝下芳草含烟。疊自從你去後。深閨靜
悄。好事兒朝朝盼。疊

春意動

春意動。牡丹亭上迷戀多情種。趁着那一陣香風。吹到那太湖石

畔。留戀芳踪。被那人着意纏綿。柳絲兒結就巫山夢。雖然是暢滿
情懷。奈嬌羞不敢抬頭。只將那倦眼朦朧。醒來時綉枕香殘。玉釵
零落。雲鬢盡蓬鬆。細想那風流何處可相逢。恨被那落花聲驚散
鴛鴦。飛起舞東風。疊好教我思一回。想一回。暗地裏心酸慟。疊

曉窗映日

曉窗映日。金風微動。把睡魔兒驚覺。玉人兒強支持。亂挽烏雲。憂
恨上眉稍。啓朱扉。蓮步輕移。整湘裙。荼蘼架將身兒凭靠。猛聽得
天邊孤雁。喚一聲音書信杳。秋蟲陣陣。鐵馬悲鳴漸漸敲。孤影兒
伴身搖。瘦香肌。弱體經秋。當不住露冷天高。疊想昨宵銀燭幾次

花空爆。疊

衣脫冰肌瘦

衣脫冰肌瘦。袞寬玉體寒。枕兒旁拆散鴛鴦伴。傷情無語倚雕闌。
畫損金釵人未還。人未還。塵蒙鏡裏鸞。香消獸內烟。疊莫非是。雲

兒鎖住天邊雁。疊

乍長春晝

乍長春晝。日暖寒食到。一處處鶯歌燕舞。一村村柳密花嬌。路映
河橋。池邊野岸桃含笑。見了些王孫公子。蕩春情驄馬逍遙。有幾
個玉美人兒。貪歡拾翠。相逗相招。雛蝶兒蕩蕩飄飄。踏青人身惹
香塵。歌唇唱沉醉芳郊。疊歸來時餘情未盡。斜陽晚照。疊

花朵放了眉不放

花朵放了眉不放。晝正長。夜偏長。曉來那見玉人兒在妝臺上。望
不見多嬌。繞遍迴廊。勸不醒傷懷。淚洒衣裳。啓朱簾花弄香。念嬌
聲燕語梁。疊怎能穀把酒談心消惆悵。疊

萌芽出土乾坤秀

萌芽出土乾坤秀。寒冰消化水新流。書齋內一枝梅影橫窗瘦。韶
光一去不能轉留。浮名浮利盡都是浮漚。忙裏把閒偷。學古人秉
燭夜遊。疊曉來時悶了。來河邊柳巷聽鶯奏。疊

西風起黃葉墜

西風起。黃葉墜。寒露降。北雁南飛。東籬邊。賞菊飲酒遊人醉。急煎
煎砧聲處處催。簷前的鐵馬聲兒更悲。陽關衰草迷。獨宿佳人盼

郎回。疊芭蕉雨點點盡是離人淚。疊

憶別時

憶別時。梅初綻。原約下杏花天。到而今。鶯老花殘人不見。瀟瀟細
雨送春還。片片花飛啼杜鵑。情絲兒難消遣。怕聽那玉漏更殘。疊
金爐冷。芳魂幾欲隨烟散。疊

尋遍了百花芳徑

尋遍了百花芳徑。隔窗樺喚一聲小紅。玉人兒何處驚春夢。綉閣
羅幃睡正濃。楊柳枝上亂啼鶯。忽聽得賣花聲。又被他勾起春情。
疊好教我懶整蛾眉畫不成。疊

嬌滴滴春花艷

嬌滴滴春花艷。青鬚鬚春草鮮。綠陰陰春柳垂金線。一行行春燕
繞庭前。一陣陣春風舞綉簾。處處賞春園。家家春酒筵。疊樂歡歡
春宵一刻金不換。疊

尋花問柳遊人醉

尋花問柳遊人醉。口誦新詩信步歸。倚東窗。笛聲吹出雲山翠。月
明星稀。烏鵲向南飛。興未闌。復飲茅柴酒數杯。自憐白髮垂。方知

四十九年非。疊夜深沉。倦來獨枕殘書睡。疊

淋漓彩袖啼紅淚

淋漓彩袖啼紅淚。伯勞東去燕西飛。老天全然不管人憔悴。夕陽
古道。衰草長堤。只落得眼中流血。心內成灰。眼底人千里。且盡樽

前酒一杯。疊到而今總有好夢難尋覓。

疊

步蒼苔月朗風清

步蒼苔月朗風清。花稍弄影。殘紅滿徑。似這等美景良宵。反到添些別恨離情。都只爲臨去秋波那一轉。纔惹下昏沉沉淒涼相思病。只落得眼中流血。心內成灰。展轉淒涼。無夜無明。可憐我體瘦形衰。掛肚牽腸。夢魂顛倒。坐臥也是不寧。一更之後。萬籟無聲。月兒怎不轉過西樓去。呀。我還獨自個立在空亭。疊到幾時纔得那

寶鼎香濃。綉簾風細。綠窗人靜。

疊

雲斂晴空

雲斂晴空。冰輪乍湧。香塵滿徑。離恨千端。閒愁萬種。玉容深鎖綉

韓中。暗想嬋娥。廣寒宮內。與誰同共。花下徘徊。耳邊忽聽響叮咚。
把紅娘問一聲。莫不是步搖的寶髻響。莫不是裙拖環珮聲。莫不
是簷前鐵馬鬪。莫不是金鈎礮簾攏。莫不是銅壺滴漏聲。紅娘說。
這音聲。好教我妾身真難辨。呀。原來就在粉牆東。小姐聞言側耳
細聽。疊卻原來西廂月下把琴音送。疊

碧雲天

碧雲天。黃花地。西風緊。北雁南飛。曉來誰染霜林醉。總是離人淚。
恨則恨相見得遲。怨則怨歸去得急。淚啼柳絲長。玉驄難繫。倩疎
林。你與我掛住斜暉。馬兒慢慢行。車兒快快隨。恰告了相思迴避。
破題兒又早別離。聽得一聲去。鬆了金釧。羅衣褪。遙望見十里長

亭。減了玉肌。哎。此恨誰知。疊再告蒼穹。老天不管人憔悴。疊

風靜簾閒

風靜簾閒。繞紗窗麝蘭香散。我將這暖帳輕彈。揭紅羅偷看。弄雙
環顛倒害心煩。釵玉斜橫。幾番搔耳。一聲長嘆。只見他亂挽烏雲。
晚粧殘淡。掃蛾眉蹙着春山。病容兒實難看。這些時不思茶飯。廢
寢忘餐。背地裏卻愁眉淚眼。小孩家口無遮攔。他在別人前巧語
花言。疊沒來由將我摧殘。你不曾慣誰曾慣。疊

乍相逢

乍相逢。誰望與你今宵歡愛。學生無有宋玉文章。子建高才。又何
勞小姐這般樣用心。我張珙合當跪拜。綉鞋兒剛半折。羞答答不

肯把頭抬。只將那鴛枕挨。雲鬟彷彿墜金釵。偏宜鬢髻歪。半推半就。魚水和諧。在這春羅盈帕。早見紅香點嫩色。疊芳卿不見責。何時重結香羅帶。疊

殘春風雨過黃昏

殘春風雨過黃昏。花映闌干。晚粧樓靜。幾點疎星。一輪明月。半壁殘燈。幽夢初驚。淚流長嘆。紅顏薄命。我只得獨睡寒床。春心陣陣。無奈何。將銀牙恨咬紅綾。猛想起昨夜聽琴。我那苦命的郎。那管人欲死。錯怨我鶯鶯。奴非草木豈無情。怎奈奴是箇女孩家。可是羞答答幾曾慣經。疊紅娘你到書房。他若是問奴。你就說姑娘有

病。疊

西風起梧葉紛飛

西風起。梧葉紛飛。碧雲天。黃花地。曉來時。誰染霜林醉。點寒烟衰
草淒迷。一派荒涼。千般冷落。這纔是離別滋味。滿腔幽恨誰知。空
教我眼中流血。心內成灰。暗自傷悲。終日裏似醉如癡。強把這白
泠泠悶酒一卮。共飲樽前。細問歸期。一霎時車兒投東。頃刻間馬
兒向西。疊我與你再會何時。兩下裏一遞一聲長吁氣。疊

你看那淡雲籠月華

你看那淡雲籠月華。似紅紙護銀蠟。柳絲花朵垂簾下。綠莎茵鋪
着綉榻。涼夜迢迢。閒亭寂靜。花枝低亞。他本是箇女孩兒家。須索
要性兒溫存。話兒摩弄。意兒浹洽。休猜作敗柳殘花。卻真是嬌滴

滴美玉無瑕。粉臉生春。雲鬢堆鴉。似這般受怕擔驚。又不圖你浪
酒閒茶。疊則見他加倍兒時當忿發。畢罷那相思牽掛。疊

老夫人鎖日間

老夫人鎖日間。朝行監坐守。暮行監坐守。張秀才退兵圍。情付與
東流。意付與東流。這話兒訴根由。教紅娘又難開口。又難閉口。俺
鶯鶯女大難留。愁也滿胸頭。他恨也滿胸頭。那日間含怯嬌羞。去
鳳侶鸞儔。來鳳侶鸞儔。他二人你恩意綢繆。我恩意綢繆。奴心裏
前思後想。早難道肯這等干休。便這等干休。疊這事兒省可追求。
怕春光洩漏。把春光洩漏。疊

玉宇無塵

玉宇無塵。銀河瀉影。月色橫空。簾幙東風靜。迴廊下齊齊整整。嬈嬈婷婷。姐姐鶯鶯。等到那一更之後。萬籟無聲。若見將他緊緊摟定。則問你會少離多。有影無形。猛聽得角門兒。呀的一聲。風過處衣香細生。墊着脚尖兒仔細定睛。比我那初見時。龐兒越整。心兒裏瞞昧着聰明。眉目中留意傳情。我這裏拽起羅衫。悄地潛行。他那裏忙陪着笑臉相迎。登忽聽一聲猛驚。撲拉拉宿鳥飛騰。亂紛紛落紅滿徑。登

碧雲西風

碧雲西風。北雁南飛。誰染霜林醉。黃花滿地。離合悲歡酒一杯。今日裏錢別十里長亭。並肩攜手。流慟淚。此一去功名成就。你即便

歸回。無語蹙雙眉。昏昏沉沉。獨自個空回。雖然是久後成雙。怎不傷悲。空教人朝思暮想。消滅奴的腰圍。疊把憂愁訴與誰。老天不管人憔悴。疊

憶長亭

憶長亭。送別時。鶯啼柳翠。擎玉盞。問歸期。糝亂迷離。到而今已過重陽。黃花開盡無消息。白日裏怕人覷破。硬心兒免強支持。向牙床冷清清。獨捱鴛枕。夜迢迢。淚眼愁眉。更有那無情明月不作美。黃昏後你怎不轉照華堂。沒來由偏向我的孤幃。疊這的是可憎蕭郎。無端與下的閒風味。疊

張君瑞收拾琴劍書箱

張君瑞收拾琴劍書箱。遊學散悶。來到蒲東。散步閒行。普救禪林。遇見那小姐鶯鶯。借住西廂。要與那人結秦晉。飛虎兵困。張珙修書求故人。慧明怒生嗔。一封書到。杜將軍兵退。許成親。夫人變卦。小姐沉吟。寄柬傳詩。與隔院聽琴。恩愛情深。疊拷紅娘問原因。草橋驚夢。衣錦榮歸。風流整頓。疊

合歡未已

合歡未已。離愁相繼。想着那前暮私情。昨夜分明。今日別離。那幾日相思滋味。誰想那別離情。更增十倍。雖然久後成佳配。此時怎不悲啼。心如醉。意亞似癡。擋不住淚眼愁眉。只落得眼中流血。心內成灰。這憂愁訴與誰。到晚來悶倚西樓。見了些夕陽古道。衰草